

畿輔通志卷一百五十六

略一百十一 古蹟三 城址三 河間 天津 正定

河間府

河間縣

武垣故城在縣西南本戰國時趙邑史記趙孝成王七年武垣令傅豹王容蘇射率燕眾反燕地卽此漢置縣屬涿郡後漢屬河間郡後魏太和十一年自樂成移河間郡來治隋大業初併入河間唐武德五年又置武垣縣貞觀元年仍省入河間括地志武垣故城今瀛州城是寰宇記武垣城有二西武垣城在今郡西南三十八里卽秦所置其城東徼北三十里又有一城時人謂之東武垣城在今郡南二十五里蓋因曹公鑿渠引滹沱水遂自西武垣移縣於此隋開皇三年又

移武垣理州城此城因廢十六年改武垣爲河間仍於東武垣城再置武垣縣大業二年省又隋圖經云東武垣城武帝元封元年巡狩至此望氣者言有異女訪之得趙氏女因築此城以爲禁衛今縣西南樓上有夫人神卽鈎弋遺像也府志武垣城在河間縣西南三十五里肅甯縣境內去縣東南僅十餘里有內外二城外城周四十里內城可十六里俗名

元城遺址見在

大清一統志

府志武垣考今縣始置於隋大業初諸志並以爲縣本漢武垣之舊考

班史地理志涿郡所列鄭高陽州鄉在北武垣阿陵在南河間記云武垣城有二西武垣城在縣西三十八里故城尙在此秦所置其東北三十里又有一城漢於此置武垣縣時謂之爲東武垣城漢武元封元年巡狩所至處王莽改爲垣翰亭者也案漢時凡郡縣名同而地異者則加東西南北上下以別之歷魏晉皆然西漢置武垣縣屬涿郡東漢至晉魏隋初並有武垣雖東漢以後並隸河間國與西京之隸涿者不同范蔚宗以下諸志及通考皆但稱武垣末嘗有東武垣之稱則知漢仍秦舊自秦漢至隋所爲武垣者止此一城卽所云其東三十里者是而東武垣乃史文一時偶然所稱猶言

武垣之東云爾非於武垣外別有此縣也秦武垣地廣漢析之別置阿武縣東漢並阿武入於樂成自後遂無阿武之名而東漢晉北魏隋之樂城與武垣並隸河間屬國不少變樂城武垣西北交境至近昔之阿武隱在其間人不復知矣夫隋之別置河間縣而廢武垣非盡卽武垣地蓋本割昔阿武之入樂成者合武垣地爲之觀北魏書地形志河間郡以武地爲列縣首武垣卽郡治所隋旣立河間縣移河間郡治於此自是遂無武垣世未詳考徒見隋移郡治以河間爲附郭縣遂謂今之河間本武垣地不知其實則兼有并入樂成之阿武地也今之肅甯本漢阿武地寰宇記阿武故城在樂壽縣西北三十九里古樂壽縣又在今獻縣西十五里以地揆之則舊志所稱秦武垣城在郡西三十八里與肅甯志云武垣廢城在縣東南十餘里者疑卽漢阿武之舊第阿武隱而武垣名顯人不知其阿武徒見有武之名遂謬以當武垣久益不辨然則河間記及地理諸書凡彼云然恐亦傳誤阿武爲漢河間王子劉豫封國國朝朱世桂武垣懷古詩驅車武垣城竊怪茂陵愼自古植遺腹豈有無母國奈何建元良翻殺彼鉤弋產祿擅爲王平勃爭未力豈罪高皇疎不防呂氏賊遂令拓跋宮每奉爲繩墨流弊貽後人所失一念武城頭白氣橫恍惚見顏色匪同弔馬嵬風流徒愴惻

州鄉故城在縣東北漢置屬涿郡元朔三年封河間獻王子

禁爲侯國後漢省寰宇記故城在今郡西北四十里一統志

河間故城今縣治漢州鄉縣地後魏曰趙都軍城太和十一年置瀛州於此隋改置河間縣寰宇記隋開皇三年移武垣理州城十六年移武曲縣居舊城乃於此置河間縣

同上

東城故城在縣東北漢置東州縣屬勃海郡後漢屬河間郡晉屬章武國後魏因之北齊廢隋開皇十六年改置東城縣屬河間郡唐屬瀛州寰宇記縣在瀛州東北六十五里今縣東北十四里有東州故城卽漢縣理所西晉移東州於城南三十五里魏孝昌二年復理漢故城高齊天保七年省併文安隋開皇中置東城於今理因東州爲名案四夷縣道記云東州故城有三重縣城周五六里外城周約二十里今宛然不改宋史地理志東城縣熙甯六年省爲鎮入河間元祐元年復舊志金時復廢爲鎮屬河間故城在縣東北六十里元

置巡檢司明廢

同上

木門城左傳襄公二十七年衛侯之弟鱣出奔晉託於木門
杜注晉邑在今河間府城西北三里城中古有大樹謂之木
門城漢置參戶縣武帝封河間獻王子免爲侯邑宋元符三
年張商英請開木門口泄徒駭東流卽此地

春秋大事表

謹案高氏士奇春秋地名考據穀梁傳曰織絢邯鄲終身
不言衛以木門爲當在邯鄲之境今案邯鄲屬廣平府距
開州較近鱣之出奔不應遠至河間似當以高氏之說爲
長

乞活城在縣北六里晉書東海王越傳東嬴公騰鎮鄴攜并
州將田甄等部眾萬餘人至鄴遣就穀冀州號爲乞活寔字
記騰掠羯人萬戶於山東值歲儉恐其有叛不聽入州郡築

此城以居之任自乞活晉書云乞活帥陳作歸晉卽此地也

大清
一統志

小陵城在縣西北魏書地形志武垣縣有小陵城舊志有蕭

陵城在河間縣西北五里今日河頭村亦曰城上村蓋小蕭

聲近而譌也

同上

高麗城在府西北十二里唐高宗征高麗俘其人以歸築城

使居此

府志

獻縣

樂成故城在縣東南漢置文帝二年立趙幽王子辟疆爲河
間王始別爲國治樂城景帝前二年又立子德爲河間王都
此是爲獻王後漢初省永平十五年立子黨爲樂城王永元
中仍置河間國治此水經注衡漳東逕阜城縣故城北樂城

縣故城南河間郡治也寰宇記樂成故城在樂壽縣東南十六里城內有河間獻王殿餘址尙存後魏太和十一年移河間郡及縣於樂壽亭故城案寰宇記明一統志皆謂漢桓帝改爲樂陵縣考水經注止改孝王陵爲樂成陵未嘗改縣也

大清
一統志

謹案水經注又引地理志曰故趙也漢文帝二年別爲國應劭曰在兩河之間也又引褚先生漢宣帝地節三年封大將軍霍光兄子山爲侯國也章帝封子開於此桓帝追尊父孝王開爲孝穆王以其邑奉山陵故加陵曰樂成陵也今城中有故池方八十步舊引衡水北入城注池池北對層臺基隍荒蕪示存古意也

樂壽故城在縣西南寰宇記後魏太平十一年移樂城縣於

今樂壽縣西南一里樂壽亭隋開皇十八年改爲廣城仁壽
元年又改爲樂壽取故亭爲名大業十三年自樂壽亭移於
今理案隋大業十三年竇建德築壇場於樂壽自立爲長樂
王明年更號夏王遂都樂壽號金城宮以寰宇記考之蓋建
德移於今治也

同上

中水故城在縣西北漢高帝七年封呂馬童爲中水侯國屬
涿郡後漢屬河間晉魏因之北齊省寰宇記故中水城在樂
壽縣西北三十里地居兩河之間故曰中水

史記索隱應劭云易濇二水之

中又郡國縣道記其城南枕滹沱北背高河齊天保七年省
同上王餘佑中水城懷古詩魯公霸業空千載爭
賞猶傳中水侯廢壘荒邱何處是柳陰禾黍古原秋

阿武故城在縣西北漢元朔三年封河間獻王子豫爲侯國
屬涿郡後漢省寰宇記故城在樂壽縣西北三十九里

同上王

餘佑阿武城懷古詩漢縣何年盛遺踪阿武城野翁不記世
殘碣尙存名塾澤隨原廡頽垣與樹平當時高澆水無復斷
流橫

阜城縣

阜城故城在縣東漢置後漢建武十三年封王梁爲侯國舊
唐書地理志阜城故城在今縣東二十里今城隋築寰宇記
在今縣東二十二里齊天保七年移今治案前漢志阜城縣
屬勃海郡別有昌成縣屬信都國續漢志謂阜城卽故昌成
宋書州郡志疑二城非一而無定說水經漳水自下博又東
北過阜城縣北又東北至昌亭酈注昌亭卽信都東昌縣勃
海之阜城又在其東經敘阜城於下博之下昌亭之上故知
非故縣也參考諸說蓋後漢省勃海阜城而移其名於信都
之昌城且改屬安平至晉時又移還故治耳魏書地形志阜

城縣注前漢屬勃海後漢屬安平晉還屬勃海竟混爲一城

誤又名勝志劉豫嘗兼取阜城昌城之名改縣曰阜昌郡并

改元曰阜昌其說近是而志傳俱不載

大清一統志河間府志昌城阜城辨

舊志以今阜城爲卽古昌城又謂樂毅封昌國君於此考漢有昌城與阜城二東漢志所云阜城故昌城者不在今郡水經漳水又東北過阜城縣北又東北至昌亭與滹沱河會注云經敘阜城於下博之下昌亭之上考地非比於事爲同渤海阜城又在東昌之東故知非也國名記曰黃帝臣昌若所封之國爲昌其東昌故縣近滹沱河有昌亭與水經注言合史記趙孝成王十年燕攻昌壯五月拔之正義引括地志謂在冀州信都縣西北五十里今冀州在古爲信都今州西北有昌城故城址存則東漢志阜成昌城者明與今阜城異矣

謹案水經注衡漳又東會楊津溝水水自陂東經阜城南

地理志勃海有阜城縣王莽更名吾城者非經所謂阜城

也

弓高故城在縣西南漢文帝十六年封韓頽當爲侯國屬河

間國晉省魏書地形志阜城縣有弓高城寰宇記在縣南二

十七里

同上 景州志弓高故城考舊志州東北四十里韓頽當封國考郡志弓高城在東光縣之順城鄉本漢

縣名侯國東光志順城鄉在縣西北三十里漢昭帝封鉤弋夫人父爲順城侯本漢封韓頽當爲弓高侯即弓高舊治則弓高順城一地屬東光無疑而畿輔通志載在阜城縣南二十七里本水經注弓高故城在阜城縣西南案水經之阜城舊縣也在今阜城東二十里舊阜城之西南適與今東光之西北相接豈可以今合古遂以弓高爲景州東北境內地耶

謹案水經注衡漳東經弓高故城北又柏梁澁水上承李

聰渙東北爲柏梁澁東經蒲領縣故城南地理風俗記云

脩縣西北八十里有蒲領鄉故縣也又東北會桑杜枝津

又東北經弓高城北又東注衡漳謂之柏梁口又案水經

注從陂北出東北分爲二川一川北經弓高城西而北注

柏梁澁

此卽上所云桑社枝津也

一川東經弓高城南又東北楊津溝

水出焉

蒲領故城在縣東北漢置屬勃海郡元朔三年封廣川惠王子嘉爲侯國尋免始元六年又封清河剛王子祿爲侯國後漢省水經注衡漳自弓高縣又東逕蒲領縣故城南地理風俗記云脩縣西北八十里有蒲領鄉故縣也寰宇記故蒲領故城在阜城縣北三里縣志在縣東北十里俗呼蒲領關上宅陽城寰宇記阜城縣有沙邱卽宅陽城一名西宅舊志在縣東又名定陽城

同上

簡子城在縣東南九域志永靜軍境有東城圖經云晉趙簡子所築今名簡城明一統志簡子城在縣東南三十里

同上唐

劉言史夜入簡子古城詩遠火熒熒聚寒鬼綠焰欲銷還復起夜深風雪古城空行客衣巾汗如水

肅甯縣

肅甯舊城在今縣東南周十六里內有子城周三里宋時築

以屯兵城旁又有肅甯寨以宋所築地名南陽疇又曰申陽疇石晉開運三年杜重威至瀛州遣別將梁漢璋追契丹將高牟翰至南陽務或曰卽南陽疇也

大情一統志

任邱縣

鄭縣故城在縣北本趙邑史記趙世家惠文王五年與燕鄭易卽此漢置縣屬涿郡扁鵲傳稱勃海鄭人蓋漢初鄭縣嘗隸勃海也後漢改屬河間晉魏至隋因之唐景雲始於縣置鄭州開元十三年以鄭與鄭相類改爲莫字宋熙甯六年省爲鎮入任邱元祐二年復置尋又罷爲鎮金貞祐二年改置莫亭縣元時莫亭縣又爲莫州治明初州縣俱廢置鄭城驛於此明一統志鄭州城在任邱縣北三十五里又寰宇記有廢鄭縣城在鄭縣東北三里邢子願三郡記云顓頊所造明

一統志謂之顓頊城在廢鄭州東北三十里又隋志開皇中

分鄭縣置永甯縣今無考

大清一統志 宋蘇軾送將官梁左藏赴莫州詩燕南垂趙北際

其間不合大如礪至今父老哀王孫蒸土為城鐵作門城中
積穀三百萬猛士如雲驕不戰一朝鼓角鳴地中帳下美人
空掩面豈如千騎平時來笑談警欬生風雷葛巾羽扇紅塵
靜投壺雅歌清晏開東方健兒虓虎樣涕泣懷思廉恥將彭
城老守亦淒然不見君家雪兒唱元周昂古莫州行詩大
陵河東古莫州居人屋小如蝸牛屋邊向外何所有惟見白
沙疊疊堆山邱車行沙中如倒拽風驚沙流失前轍馬蹏半
跛牛頸穿三步停鞭五步歇雞聲人語無四鄰晚風蕭蕭愁
殺人人有禱沙應神遼東老兵非使臣何必理卻雙行輪
明長垣成伯龍過鄭州詩水天遙接海雲平蛙部喧連欸乃
聲溪上浴兒爭瀨淺隄邊浣女弄沙晴曾披烟草窺金埒又
逐飛霞渡木罌潦倒那堪頻道路總多風景不勝情 國朝
王士禎雨次鄭州詩薄暮虞邱道烟波清淺流溼雲低去鳥
寒雨凍眠鷗歲月高堂思關河獨夜愁何當脫塵鞅行矣任
歸休 龐塏鄭城晚眺詩春埜宜延眺荒城一道斜人煙喧
井市生理半魚蝦驛路遲生草澤田淺種沙村翁諳故事指
點動長嗟 林樹晚參差春原落日遲牛羊依廢堞廬舍隱
疎籬草沒韓嬰墓雲低扁鵲祠古人誰可作俯仰一凄其

任邱故城在今縣南寰宇記任邱縣本漢鄭縣地高齊置縣

隋初廢開皇十六年又置大業末又廢唐武德五年復置屬
瀛州景雲中隸鄭州在州南四十三里任邱故城在縣南二
十六里邢子願三郡記云漢元始二年巡海使中郎將任邱
築此城以防海口卽以爲名後漢桓帝無子太后父竇武迎
靈帝居此城羣臣至此朝謁又謂之謁城案寰宇記莫州猶
治鄭縣蓋自熙甯中始移治任邱也金志州廢爲莫亭縣元
志莫州倚郭爲莫亭縣而任邱屬之蓋金末莫州任邱俱廢
復置莫亭縣於莫縣故城耳舊志以爲改置莫亭於任邱誤
又案漢書無任邱姓氏惟任光封阿陵侯寰宇記所引三郡
記恐屬假託今城西有大家相傳曰任將軍墓亦不知何許
人也又靈帝自解瀆亭侯入立亭在今祁州界去河間殊遠
羣臣來迎不應至此九域志作桓帝北巡羣臣就此朝謁故

名謁城爲是

同上

阿陵故城在縣東北漢置屬涿郡後漢建武二年封任光爲
阿陵侯後廢寰宇記故城在任邱縣東北二十里後魏孝昌
二年曾徙鄭縣理此周宣政元年復還今理舊志其地今皆
爲水鄉

同上

國朝龐塏陵城弔古詩水打週遭雉堞平村
名依舊號陵城可憐漢主酬功地蘆葦蕭蕭雁一聲

雲臺事往已千秋衰草黏天憶故侯
唯有漢時明月在夜來還照廢城頭

謹案史記高祖功臣表六年七月以封郭亭爲阿陵侯邑

高郭故城在縣西十七里漢置屬涿郡地節三年封河間獻

王子睦爲侯國後漢省寰宇記故城在鄭縣西南二十六里

滹沱河經其南面亦稱裏角城以水裏其角而過也

同上

張豐故城在縣東北唐開元十年析文安任邱二縣置利豐

縣是年更名長豐屬莫州寰宇記縣在州東六十里以縣北

有長豐渠爲名宋熙甯六年省爲鎮入任邱金因之後廢

同上

灑城在縣南二十六里

府志

河間府志灑城辨攝城載於古迹既引城邑舊記以解之疑猶未

得其實又爲精推而詳究之齊侯伐北燕將納簡公次於藐燕人行成二月戊午盟於濡上春秋左氏傳注云濡在藐西二十六里郡志與任邱並言灑城在縣南二十六里號卽任邱地也以地較之其所謂二十六里者古今正同則灑城當卽昔時齊燕盟處在濡上者是後特謫濡爲灑耳蓋篆文灑與濡相近似埤雅烏九寫而成易虎三寫而爲帝言文字鈔傳易致誤謬如此漢慎陽侯失印改刻誤爲慎陽正與此類然則灑城者當爲濡城昔人因事而遂名其地而所爲城者或燕人旣盟之後築城於境上以備齊此未可知然地雖有城名而城實無是意者城本爲成亦傳者之誤又從而增益之旣久而莫辨也要其灑之爲濡則可據左氏而直決之

交河縣

景城故城在縣東北漢地節四年封河間獻王子雍爲侯國屬勃海郡後漢省後魏延昌二年移成平縣治此隋開皇十八年復漢故名宋熙甯六年省爲鎮入樂壽宋史河渠志元